

Bosna i Hercegovina  
**BRČKO DISTRIKT**  
**BOSNE I HERCEGOVINE**  
Komisija-Povjerenstvo za odlučivanje  
o sukobu interesa



Босна и Херцеговина  
**БРЧКО ДИСТРИКТ**  
**БОСНЕ И ХЕРЦЕГОВИНЕ**  
Комисија за одлучивање о  
сукобу интереса

---

Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: [www.sukobinteresabd.ba](http://www.sukobinteresabd.ba), e-mail: [info@sukobinteresabd.ba](mailto:info@sukobinteresabd.ba)  
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: [www.sukobinteresabd.ba](http://www.sukobinteresabd.ba), е-пошта: [info@sukobinteresabd.ba](mailto:info@sukobinteresabd.ba)

# **IZVJEŠTAJ O RADU KOMISIJE ZA ODLUČIVANJE O SUKOBU INTERESA ZA 2022. GODINU**

**Brčko, februar 2023. godine**

## Sadržaj

Uvodne napomene.....	3
Aktivnosti Komisije.....	4
Mišljenja Komisije za odlučivanje o sukobu interesa tokom izvještajnog perioda.....	5
Postupak po prijavi i po službenoj dužnosti.....	10
Pokrenuti Upravni sporovi protiv odluka Komisije za odlučivanje o sukobu interesa.....	12
Odluke Apelacione komisije, odluke Apelacionog suda i odluka Agencije za zaštitu podataka BiH od utjecaja na rad Komisije za odlučivanje o sukobu interesa.....	13
Jedinstveni registar javnih dužnosti, nositelja javne dužnosti, imovine nositelja javne dužnosti i darova.....	16
Edukacije/seminari.....	21
Budžet Komisije .....	22
Plan javne nabavke za 2022. godinu.....	22
Saradnja.....	23
Javnost rada komisije.....	23

Na osnovu člana 25 stav (1) točka h) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa na 47. sjednici održanoj dana 17.02.2023. godine donosi

## **IZVJEŠTAJ O RADU KOMISIJE ZA ODLUČIVANJE O SUKOBU INTERESA ZA 2022. GODINU**

### **UVODNE NAPOMENE**

Shodno članu 25 stavu 1 tački h) Zakona o sprečavanju sukoba interesa u institucijama Brčko distrikta Bosne i Hercegovine (Službeni glasnik Brčko distrikta Bosne i Hercegovine, broj 04/21), Komisija za odlučivanje o sukobu interesa podnosi Skupštini Brčko distrikta BiH Izvještaj o radu s ciljem da predstavi i prikaže podatke o aktivnostima Komisije na godišnjem nivou.

Zakonom o sprečavanju sukoba interesa u institucijama Brčko distrikta Bosne i Hercegovine propisane su nadležnosti Komisije za odlučivanje o sukobu interesa i to:

- provodi nepristrasan, odgovoran i objektivan postupak za utvrđivanje postojanja sukoba interesa u pojedinačnim slučajevima, po prijavi ili po službenoj dužnosti i poduzima mjere za sprečavanje sukoba interesa te izriče sankcije;
- provjerava tačnost i potpunost podataka iz izvještaja;
- inicira izmjene propisa koje se direktno ili indirektno tiču sukoba interesa te daje mišljenje na takve propise inicirane od drugih organa ili institucija;
- daje mišljenja i uputstva nosiocu javne funkcije i drugim zainteresovanim licima s ciljem sprečavanja sukoba interesa i pravilnog podnošenja izvještaja;
- provodi obuke i prezentacije te informiše nosioce javnih funkcija o njihovim pravima, obavezama i odgovornostima u vezi sa sukobom interesa te pravilnom podnošenju izvještaja;
- uspostavlja Jedinstveni registar;
- odlučuje o postojanju sukoba interesa u pojedinačnom slučaju;
- jednom godišnje izvještava Skupštinu Brčko distrikta BiH o svom radu;
- podnosi izvještaj Tužilaštvu Brčko distrikt BiH o povredi Zakona koje može imati obilježje krivičnog djela;
- inicira pokretanje postupka oduzimanja nezakonito stečene imovine;
- donosi Poslovnik o radu i druge akte propisane Zakonom i
- obavlja druge poslove propisane Zakonom.

Komisija za odlučivanje o sukobu interesa u svom radu primjenjuje sljedeće propise:

- Zakon o sprečavanju sukoba interesa u institucijama Brčko distrikta BiH,
- Odluku o u unutrašnjoj organizaciji i sistematizaciji radnih mjesta u Komisiji za odlučivanje o sukobu interesa, uz prethodnu saglasnost Skupštine,
- Poslovnik o radu Komisije za odlučivanje o sukobu interesa u Brčko distriktu BiH (“Službeni glasnik Brčko distrikta Bosne i Hercegovine”, broj: 19/21),

- Odluku o sadržaju i načinu vođenja Jedinog registra javnih funkcija, nosilaca javne funkcije, imovine nosilaca javne funkcije i poklona ("Službeni glasnik Brčko distrikta Bosne i Hercegovine", broj: 19/21),
- Zakon o upravnom postupku Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 48/11, 21/18 i 23/19)
- Zakon o slobodi pristupa informacijama u Bosni i Hercegovini ("Službeni glasnik Bosne i Hercegovine" broj: 28/00 i 45/06, 102/09, 62/11 i 100/13),
- Zakon o zaštiti ličnih podataka ("Službeni glasnik Bosne i Hercegovine" broj: 49/06, 76/11 i 89/11), te druge opšte akte potrebne za daljnji rad Komisije.

## **AKTIVNOSTI KOMISIJE**

Komisija za odlučivanje o sukobu interesa je kao osnovni strateški cilj u periodu 01.01.2022.-31.12.2022. godine imala uspostavljanje Jedinog registra javnih dužnosti, nositelja javne dužnosti, imovine nositelja javne dužnosti i darova, kao i sprečavanje privatnih utjecaja na donošenje odluka u obavljanju javnih funkcija uz jačanje integriteta, objektivnosti, nepristranosti i transparentnosti u obavljanju javnih funkcija, jačanje povjerenja građana u tijela javne vlasti, te sprečavanje sukoba interesa u obavljanju javne funkcije.

Komisija za odlučivanje o sukobu interesa je nastojala održati kontinuitet u provođenju postupaka sukoba interesa, davanju mišljenja, provjeri podataka o izvještaju o imovinskom stanju nosilaca javne funkcije, te obezbijediti materijalne uvjete za rad Komisije u 2022. godini. Posebnu pažnju i prioritet Komisija za odlučivanje o sukobu interesa posvetila je jačanju ljudskih i tehničkih kapaciteta, te je nakon rebalansom obezbijeđenih sredstava pokrenula postupak zapošljavanja još tri službenika u trećem kvartalu 2022. godine, te su 03.10.2022. godine sukladno Odluci o unutrašnjoj organizaciji i sistematizaciji radnih mjesta u Komisiji za odlučivanje o sukobu interesa popunjena radna mjesta: višeg stručnog suradnika za finansijsko poslovanje, višeg stručnog suradnika za pravne, kadrovske i opće poslove i višeg stručnog suradnika za podršku. Komisija za odlučivanje o sukobu interesa od oktobra 2022. godine ima 7 viših stručnih saradnika koji pomažu Komisiji u stručnom radu, te je time postignuta bolja učinkovitost u radu.

Tokom 2022. godine među osnovnim i najvažnijim zadacima Komisije za odlučivanje o sukobu interesa bilo je obezbjeđivanje transparentnosti u radu prevashodno kroz uspostavu informatičke podrške kako bi javnost bila obaviještena o radu Komisije. U tom pravcu je u prvom kvartalu 2022. godine izrađena web stranica Komisije, te su na stranici Komisije objavljeni svi zakoni, podzakonski akti, odluke, zaključci, važne informacije, letci, brošure, i sve aktuelnosti i aktivnosti Komisije kao i obrasci ANEKSA I, ANEKSA II i ANEKSA III, koje Komisija koristi u svom radu.

Također na stranici Komisije nalazi se obrazac prijave za sukob interesa te je moguće elektronskim putem podnijeti prijavu sukoba interesa anonimno i neanonimno.

Shodno članu 22. Zakona o sprečavanju sukoba interesa u institucijama Brčko distrikta BiH uspostavljen je Jedinog registar javnih dužnosti, nositelja javne dužnosti, imovine nositelja javne dužnosti i darova. Registar imovine nosilaca javne dužnosti objavljen je 08. aprila 2022. godine.

Tijekom 2022. godine održane su 22 redovne sjednice Komisije za odlučivanje o sukobu interesa sa ukupno 136 tačaka dnevnog reda, na kojima su donesene odluke o pokretanju postupka, odluke o nepokretanju postupka, mišljenja, zaključci i razni

drugi akti, izricane novčane kazne, opomene, te se raspravljalo o drugim pitanjima iz nadležnosti Komisije za odlučivanje o sukobu interesa.

U izvještajnom periodu kroz: djelovodnik predmeta i akata Komisije za odlučivanje o sukobu interesa upisana i obrađena su ukupno 1.641 akta, internu dostavnu knjigu provedeno je 2.379 akata, knjigu otpreme akata provedeno je 2.324 akta, upisnik prvostepenih predmeta otvoreno je 28 predmeta, knjigu prijernih računa uručeno je 79 računa, dok je zbog provjere podataka iz Izvještaja o imovinskom stanju nosilaca javne funkcije organima, institucijama i drugima koji posjeduju podatke u njihovim evidencijama upućeno 2.475 akata.

Komisija za odlučivanje o sukobu interesa je u 2022. godini pokrenula 36 postupaka, a po njima je okončala, odnosno donijela 15 odluka u predmetima u kojima se utvrđivala nespojivost funkcija, postojanje sukoba interesa ili povreda odredaba Zakona o sprečavanju sukoba interesa u institucijama Brčko distrikta BiH. Neke od odluka sadržavale su sankciju (opomenu i novčanu kaznu), nadalje doneseno je 5 odluka o nenadležnosti, 1 odluka o obustavi postupka, 3 odluke o neprovođenju postupka, a 12 postupaka nije okončano.

Nosiocima javnih dužnosti izrečene su novčane sankcije u visini od 9.000,00 KM. Podneseno je 11 zahtjeva za mišljenje od strane nosilaca javnih dužnosti, organa i institucija, kao i zainteresovanih lica na koje je Komisija za odlučivanje o sukobu interesa blagovremeno dala mišljenja.

## **MIŠLJENJA KOMISIJE ZA ODLUČIVANJE O SUKOBU INTERESA TOKOM IZVJEŠTAJNOG PERIODA**

Tokom 2022. godine Komisija je zaprimila 11 zahtjeva za mišljenje kako od strane nosilaca javnih funkcija, organa i institucija Brčko distrikta BiH, pravnih lica koje je osnovao Distrikt tako i zainteresovanih lica u skladu sa članom 34. Zakona o sprečavanju sukoba interesa u institucijama Brčko distrikta Bosne i Hercegovine, te je Komisija u zakonskom roku od 15 dana od dana prijema zahtjeva dala mišljenja, čija hronologija je sljedeća:

1. Nosilac javne funkcije 05.01.2022. godine, tražio je mišljenje Komisije za odlučivanje o sukobu interesa u vezi primjene člana 5. Zakona o sprečavanju sukoba interesa u institucijama Brčko distrikta Bosne i Hercegovine a vezano za obavljanje njegove javne funkcije, i obavljanje javne funkcije od strane bračnog druga u odboru. Obzirom da taj odbor nije pravno lice koje je osnovao Distrikt, shodno članu 2. tačka I), nego stalno tijelo Skupštine nije postojala nespojivost funkcija u ovom slučaju.
2. Nosilac javne funkcije 13.01.2022. godine tražio je mišljenje Komisije da li dovodi do sukoba interesa poslovanje poduzeća bračnog druga ukoliko posluje s Brčko distriktom BiH. Navedeno poslovanje prelazi iznos od 10.000 KM na godišnjoj razini, na način da ovo poduzeće plaća naknade za korištenje prostora u proračun institucija i tijela koje se financiraju iz proračuna na bilo kojoj razini vlasti u BiH. Obzirom da se radi o situaciji da za zakupljene poslovne prostore poduzeće bračnog druga nosioca javne funkcije plaća zakupninu, odnosno vrši uplate u proračune organa i institucija na bilo kojem nivou u BiH, a ne prima novčana sredstva iz Proračuna institucija koje se financiraju na bilo kojoj razini vlasti u BiH, to nije postojao sukob interesa vezano za poslovanje poduzeća člana uže obitelji, na ovaj način.

3. Zahtjevom od 14.02.2022. godine zainteresovano lice tražilo je mišljenje vezano za sljedeće situacije:

- Da li se Zakon o sprečavanju sukoba interesa u institucijama Brčko distrikta BiH primjenjuje i na nosioce javne funkcije imenovane prije stupanja na snagu ovog zakona, tzv. retroaktivna primjena zakona,
- Da li se potencijalni sukob interesa može otkloniti primjenom pravnog instituta izuzeća od postupanja između različitih pravnih subjekata,
- Da li postoji sukob interesa (nespojivost) ako ne postoji odnos nadzora, kontrole i zavisnosti članova uže porodice, kao nosilaca javne funkcije u različitim pravnim subjektima,
- Da li postoji sukob interesa (nespojivost), ako su članovi uže porodice nosioci javnih funkcija u različitim organima, institucijama i pravnim licima (pitanje broj 4 i 5 sadrže istu dilemu i identičan odgovor),
- Da li postoji sukob interesa ako članovi Komisije za odlučivanje o sukobu interesa koriste pravo na neplaćeno odsustvo i zadržavaju dva radna odnosa istovremeno,
- Da li u slučaju dokazanog sukoba interesa po provedenom postupku za više nosilaca javne funkcije bivaju razriješeni dužnosti od strane nadležnog organa ili svojevrijno vrše odabir,
- Da li postoji sukob interesa odnosno može li nosilac javne funkcije istovremeno imati radni odnos službenika ili zaposlenika u bilo kojoj instituciji, koja se finansira iz Budžeta,
- Da li postoji organ nadležan za odlučivanje o izuzeću članova Komisije za odlučivanje o sukobu interesa
- Da li članovi Komisije za odlučivanje o sukobu interesa mogu odlučivati o sukobu interesa članova uže porodice ili svojih prijatelja.

Komisija za odlučivanje o sukobu interesa je dala sljedeće mišljene:

- Zakon o sprečavanju sukoba interesa u institucijama Brčko distrikta BiH u svojim odredbama ne poznaje kategoriju nosilaca javne funkcije i nosilaca javne funkcije koji su preuzeli funkciju prije stupanja na snagu zakona, nego isključivo kategoriju nosilaca javne funkcije.
- Pravni institut izuzeća je neprimjenjiv u slučaju nespojivosti funkcija (član 5. Zakona).
- Članstvo u organima upravljanja, nadzora i rukovođenja u pravnim licima koja su osnovana od strane organa i institucija na bilo kojem nivou vlasti u BiH nespojivo je s obavljanjem javne funkcije, također obavljanje javne funkcije je nespojivo, ako je član uže porodice nosioca javne funkcije, član organa iz člana 5. stava (5) Zakona o sprečavanju sukoba interesa u institucijama Brčko distrikta Bosne i Hercegovine, nezavisno od toga da li postoji odnos nadzora, kontrole i zavisnosti uži članova porodice, kao nosilaca javne funkcije u različitim pravnim subjektima.
- Članstvo u organima upravljanja, nadzora i rukovođenja u pravnim licima koja su osnovana od strane organa i institucija na bilo kojem nivou vlasti u BiH nespojivo je s obavljanjem javne funkcije, a član 2. tačka f) Zakona definiše članove uže porodice, tako da postoji nespojivost funkcija u svakom slučaju pri pojavi ovih uslova.
- Zakon o sprečavanju sukoba interesa u institucijama Brčko distrikta BiH propisuje da predsjednik i član Komisije imaju pravo povratka na rad na poslove na kojima su radili prije imenovanja ili na druge odgovarajuće poslove kod poslodavca kod kojeg su radili prije imenovanja, u skladu s propisima koji

regulišu tu oblast. Ne postoji sukob interesa obzirom da članovi Komisije za odlučivanje o sukobu interesa, koriste zakonom propisana prava.

- Komisija podnosi nadležnom organu prijedlog za razrješenje s dužnosti nosioca javne funkcije u slučaju da nosilac javne funkcije odbije ili propusti da otkloni sukob interesa, odnosno njegove posljedice. Bitno je otklanjanje nespojivosti funkcija od strane bilo kojeg nosioca javne funkcije.
- Svi ostali nosioci javne funkcije koji nemaju uplaćene doprinose i zdravstveno osiguranje na toj javnoj funkciji (članovi upravnih i nadzornih organa i sl.) ostvaruju pravo na penziona i zdravstveno osiguranje zaposlenjem na drugom radnom mjestu.
- Izuzeće članova Komisije za odlučivanje o sukobu interesa, kao uostalom i većine izuzeća, temelje se na pretpostavci nekog od oblika pristrasnosti (stranka, svjedok, srodstvo itd.), te shodno navedenom, Komisija za izbor i imenovanje i mandatno imunitetska komisija Skupštine, je nadležna za odlučivanje o izuzeću članova Komisije za odlučivanje o sukobu interesa.
- Članovi Komisije za odlučivanje o sukobu interesa ne mogu odlučivati o svojim članovima uže porodice i svojim prijateljima u svim slučajevima kada bi mogao postojati sukob interesa, što regulišu odredbe poslovnika o radu Komisije za odlučivanje o sukobu interesa („Službeni glasnik Brčko distrikta BiH”, broj: 19/21).

4. Nosilac javne funkcije dana 14.04.2022. godine, tražio je mišljenje da li postoji ekonomska veza između njega kao direktora društva, zaposlenika i suosnivača društva, na kojeg su Ugovorom o prenosu upravljačkih prava prenesena sva upravljačka prava u društvu i može li to uticati na objektivnost i neposrednost u radu njega kao nosioca javne funkcije.

Obzirom da se u navedenom slučaju radi o situaciji prenosa upravljačkih prava na suosnivača, a shodno odredbama Zakona o sprečavanju sukoba interesa u institucijama Brčko distrikta BiH, Komisija za odlučivanje o sukobu interesa je mišljenja da postoji ekonomska veza između nosioca javne funkcije kao direktora društva, zaposlenika i suosnivača društva, na kojeg su prenesena sva upravljačka prava u društvu, koja utječu ili bi mogla utjecati na objektivnost i neposrednost u radu nosioca javne funkcije, te da otkloni nastalu situaciju. Nosilac javne funkcije je postupio shodno mišljenju Komisije.

5. Nosilac javne funkcije dana 05.05.2022. godine tražio je mišljenje da li postoji sukob interesa ukoliko on kao nosilac javne funkcije istovremeno obavlja i poslove direktora poduzeća koje je osnovano od strane organa i institucija na bilo kojem nivou vlasti u BiH.

Komisija za odlučivanje o sukobu interesa dala je mišljenje da se radi o nespojivosti funkcija u skladu sa članom 5. stav (5) Zakona o sprečavanju sukoba interesa u institucijama Brčko distrikta BiH, obzirom da je njegova funkcija javna funkcija i nespojiva sa obavljanjem poslova rukovođenja u pravnom licu koje je osnovano od strane organa i institucija na bilo kojem nivou vlasti u BiH. Preporuka Komisije za odlučivanje o sukobu interesa je da nosilac javne funkcije poduzme mjere i otkloni sukob interesa u pogledu nespojivosti javnih funkcija te da o tome obavijesti Komisiju za odlučivanje o sukobu interesa, a najkasnije u roku od 3 (tri) dana od prijema ovog mišljenja. Nosilac javne funkcije postupio je shodno mišljenju Komisije i otklonio je nespojivost.

6. Nositelj javne funkcije dana 19.09.2022. godine tražio je mišljenje da li postoji sukob interesa, s obzirom na njegovu poziciju ukoliko obavlja i sljedeće poslove:
- sertifikovanog knjigovođe i ovlaštenog revizora, angažovanog od strane revizorske kuće po ugovoru o djelu u drugim poduzećima, a ne u poduzeću u kojem je nositelj javne funkcije
  - stečajnog upravnika angažovanog od strane Osnovnog suda Brčko distrikta BiH;
  - osnivača i/ili člana udruženja;
  - osnivača i direktora privrednog subjekta.

Shodno zakonskim odredbama Komisija za odlučivanje o sukobu interesa je dala mišljenje da bi sukob interesa postojao ukoliko bi nositelj javne funkcije kao sertifikovani knjigovođa i ovlašten revizor, angažovan od strane revizorske kuće po ugovoru o djelu i stečajni upravnik angažovan od strane Osnovnog suda Brčko distrikta BiH obavljao navedene poslove, koji su vezani za bilo koji vid poslova u poduzeću u kojem je nositelj javne funkcije. Sukob interesa ne bi postojao pri obavljanju ovih poslova u ostalim slučajevima, odnosno, ukoliko obavlja poslove koji su izvan tog poduzeća. Sukob interesa bi postojao i u situaciji da je nositelj javne funkcije osoba ovlaštena za zastupanje ili član organa upravljanja ili nadzornog organa u udruženju koje se financira iz budžeta bilo koje razine vlasti, u iznosu većem od 10.000,00 KM godišnje ili ukoliko prima naknadu ili darove po osnovi obavljanja poslova osobe ovlaštene za zastupanje ili člana organa upravljanja i nadzornog organa udruženja ili fondacije.

Sukob interesa bi postojao u situaciji ako je nositelj javne funkcije osnivač, direktor, član skupštine, nadzornog odbora, organ upravljanja i rukovođenja ili osoba ovlaštena za zastupanje, ili ima bilo kakav finansijski interes u obliku plate ili naknade, uključujući i pružanje ličnih usluga u privrednom subjektu kojem su vlasti u BiH davale poticaje, olakšice, donacije i potpore, uključujući i kreditna sredstva, u iznosu većem od 10.000,00 KM na godišnjoj razini, u razdoblju od četiri godine prije stupanja na javnu funkciju ili ukoliko bi obavljao te poslove u poduzeću ili privrednom subjektu koje posluje s institucijama i organima koji se financiraju iz budžeta na bilo kojoj razini u BiH, u iznosu većem od 10.000,00 KM na godišnjoj razini, u razdoblju od četiri godine prije stupanja na poziciju nosioca javne funkcije.

7. Zainteresovano lice dana 24.10.2022. godine tražila je mišljenje da li postoji sukob interesa, obzirom da je, zaposlena na radnom mjestu kao državni službenik na neodređeno vrijeme, a da je nositelj javne funkcije, njen suprug, te kao nositelj javne funkcije upućuje zahtjeve organu u kojem ona radi, te s tim u vezi postoji li sukob interesa u slučaju:
- vršenja poslova državnog službenika kod subjekata (pravnih i fizičkih lica) ako je inicijativu za vršenje poslova nadzora podnio nadležni organ, u kojem je suprug nositelj javne funkcije
  - vršenja poslova državnog službenika kod subjekata (pravnih i fizičkih lica) koji preko nadležnog organa u kojem je suprug nositelj javne funkcije ostvaruju pravo na podsticaj

Komisija za odlučivanje o sukobu interesa dala je mišljenje da ukoliko postoji sumnja pri postupanju na postojanje sukoba interesa ili sumnja na eventualnu povredu navedenih zakonskih odredaba uslijed postupanja zainteresovane stranke, a shodno nadležnostima podnosioca zahtjeva odnosno državnog službenika, ukazano je na mogućnost dostavljanja zahtjeva za mišljenje u svakom konkretnom slučaju kada postoji dilema o načinu postupanja.



8. Nosilac javne funkcije dana 3.11.2022. godine tražio je mišljenje Komisije za odlučivanje o sukobu interesa da li bi trebalo da podnese ostavku na mjesto člana UO, budući da je izabran u drugo pravno lice na nivou BiH u svojstvu rukovodioca. Komisija je dala mišljenje u kojem navodi da je potrebno da nosilac javne funkcije podnese ostavku na mjesto člana Upravnog odbora u Distriktu u roku od tri dana od dana preuzimanja javne funkcije u pravnom licu osnovanom na nivou BiH, te da o tome obavijesti Komisiju najkasnije u roku od 5 (pet) dana od dana preuzimanja funkcije u pravnom licu na nivou BiH. Navedeni nosilac javne funkcije je postupio po uputama Komisije za odlučivanje o sukobu interesa.
9. Pravno lice koje je osnovao Brčko distrikt Bosne i Hercegovine dana 15.11.2022. godine, zahtijevalo je mišljenje Komisije za odlučivanje o sukobu interesa da li postoji sukob interesa u slučaju da se na javni poziv upućen ka svim poslodavcima prijavi poduzeće u kojem se kao lice ovlašteno za zastupanje pojavljuje lice koje je i član nadzornog odbora pravnog lica koje je osnovao Brčko distrikt BiH, a koje traži mišljenje. S tim u vezi, Komisija za odlučivanje o sukobu interesa je dala mišljenje da u ovom slučaju ne postoji sukob interesa, posebno imajući u vidu činjenicu da član nadzornog odbora ne učestvuje u procesu odlučivanja niti glasanja u konkretnom slučaju, te shodno nadležnostima Nadzornog odbora propisanim pravnim aktima tog pravnog lica ne postoji sukob interesa, i posebno je naglasila činjenicu da je shodno članu 11. stav (1) Zakona o sprečavanju sukoba interesa u institucijama Brčko distrikta BiH, propisano da nosilac javne funkcije ne može učestvovati u procesu odlučivanja niti glasati po bilo kojem pitanju koje nosioca javne funkcije stavlja u sukob interesa što uključuje pitanja koja se direktno i indirektno tiču privatnog preduzeća u kojem taj nosilac javne funkcije ili s njim povezano lice ima finansijski i drugi interes, te bilo kojem drugom pitanju koje se direktno ili indirektno tiče povezanog lica, dok je stavom (3) istog člana propisano da će se nosilac javne funkcije izuzeti od svih službenih radnji, učešća u raspravi, glasanja i odlučivanja i obrazložiti razloge izuzeća, ukoliko dođe do takvog slučaja.
10. Nosilac javne funkcije dana 06.12.2022. godine tražio je mišljenje da li do kršenja odredaba Zakona o sprečavanju sukoba interesa u institucijama Brčko distrikta BiH, dovodi sljedeća situacija:
  - Ukoliko kao nosilac javne funkcije obavlja i poslove lica ovlaštenog za zastupanje (bez naknade) u privatnom poduzeću u kojem nema vlasničkog udjela. Privatno poduzeće prijavom na javni poziv, ostvarilo je poslovnu saradnju sa Brčko distriktom, te ista može preći iznos od 10.000,00 KM na godišnjem nivou.

Komisija za odlučivanje o sukobu interesa je mišljenja da navedena situacija ne dovodi do kršenja odredaba Zakona o sprečavanju sukoba interesa u institucijama Brčko distrikta Bosne i Hercegovine u smislu člana 7. navedenog Zakona. Do kršenja odredaba Zakona o sprečavanju sukoba interesa u institucijama Brčko distrikta Bosne i Hercegovine bi došlo ukoliko bi nosilac javne funkcije za vrijeme obavljanja bilo koje javne funkcije, obavljao dužnost člana skupštine, nadzornog odbora, organa upravljanja i rukovođenja, bio u svojstvu lica ovlaštenog za zastupanje, ili imao bilo kakav finansijski interes u obliku plate ili naknade, uključujući i pružanje ličnih usluga, u bilo kojem privatnom preduzeću koje je u periodu od 4 godine prije stupanja na javnu funkciju, imalo poslovnu saradnju s institucijama i organima koji se finansiraju iz budžeta na bilo kojem nivou vlasti u BiH, u iznosu većem od 10.000,00 KM na godišnjem nivou, ili ukoliko je takvo privatno preduzeće primalo podsticaje, olakšice, donacije i grantove, uključujući i kreditna sredstva, u iznosu većem od 10.000,00 KM

na godišnjem nivou, u periodu od četiri godine prije stupanja na dužnost kao nosioca javne funkcije.

11. Nosioc javne funkcije dana 07.12.2022. godine tražio je mišljenje da li postoji kršenje odredaba Zakona o sprečavanju sukoba interesa u institucijama Brčko distrikta BiH, ako kao nosilac javne funkcije radi u poduzeću kao lice odgovorno za zastupanje, a isto poduzeće subvencionira Vlada Brčko distrikta BiH iznosom većim od 10.000,00 KM na godišnjem nivou.

Komisija za odlučivanje o sukobu interesa dala je mišljenje da do kršenja odredaba Zakona o sprečavanju sukoba interesa u institucijama Brčko distrikta Bosne i Hercegovine u smislu člana 7. navedenog Zakona, dovodi situacija ako je privatno preduzeće u periodu od četiri godine prije stupanja nosioca javne funkcije na javnu funkciju dobilo od Vlade Brčko distrikta BiH podsticaje, olakšice, donacije i grantove, uključujući i kreditna sredstva, u iznosu većem od 10.000,00 KM na godišnjem nivou. Nosioc javne funkcije postupio je shodno mišljenju Komisije za odlučivanje o sukobu interesa i podnio ostavku na javnu funkciju.

## **POSTUPAK PO PRIJAVI I PO SLUŽBENOJ DUŽNOSTI**

U skladu sa članom 25. Zakona o sprečavanju sukoba interesa u institucijama Brčko distrikta BiH, Komisija je u izvještajnom periodu pokrenula 36 postupaka, kako po službenoj dužnosti, tako i po anonimnim i neanonimnim prijavama, kako za nosioce javne funkcije tako i za ona lica koja nisu nosioci javne funkcije, i to:

1. Glavni revizor Kancelarije za reviziju javne uprave i institucija u Brčko distriktu BiH, kao nosilac javne funkcije, nespojivost funkcija shodno članu 5. Zakona, neanonimna prijava, rješenje o utvrđivanju postojanja povreda zakona, novčana kazna u iznosu od 3.000,00 KM.
2. Zamjenik glavnog revizora Kancelarije za reviziju javne uprave i institucija u Brčko distriktu BiH, kao nosilac javne funkcije, nespojivost funkcija shodno članu 5. Zakona, anonimna prijava, rješenje o utvrđivanju postojanja povreda zakona, novčana kazna u iznosu od 3.000,00 KM.
3. Zastupnik u Skupštini Brčko distrikta BiH, kao nosilac javne funkcije, nespojivost funkcija shodno članu 5. Zakona, anonimna prijava; rješenje o utvrđivanju postojanja povreda zakona, novčana kazna u iznosu od 1.000,00 KM.
4. Zastupnik u Skupštini Brčko distrikta BiH, pasivan nosilac javne funkcije, nepodnošenje Izvještaja o imovinskom stanju shodno članu 21. Zakona, po službenoj dužnosti, rješenje o utvrđivanju povrede zakona, novčana kazna u iznosu od 2.000,00 KM.
5. Zastupnik u Skupštini Brčko distrikta BiH, kao nosilac javne funkcije, netačnost i nepotpunost podataka u Izvještaju o imovinskom stanju shodno članu 19. Zakona, po službenoj dužnosti, postupak u toku (četiri slučaja);
6. Zastupnik u Skupštini Brčko distrikta BiH, kao nosilac javne funkcije, po neanonimnoj prijavi, nespojivost funkcija, odluka o neprovođenju postupka;
7. Šef Odjeljenja za poljoprivredu, šumarstvo i vodoprivredu, kao nosilac javne funkcije, zapošljavanje člana uže porodice shodno članu 14. Zakona, anonimna prijava, odluka o obustavi postupka;

8. Šef Odjeljenja za javne poslove, kao nosilac javne funkcije, netačnost i nepotpunost podataka u Izvještaju o imovinskom stanju shodno članu 19. Zakona, po službenoj dužnosti, postupak u toku;
9. Zamjenik direktora za tehničke poslove JP "Luka Brčko" Brčko distrikt BiH, kao nosilac javne funkcije, nepodnošenje Izvještaja o imovinskom stanju shodno članu 19. Zakona, po službenoj dužnosti, rješenje o utvrđivanju povreda Zakona, opomena;
10. Član Vijeća nacionalnih manjina, kao nosilac javne funkcije, nepodnošenje Izvještaja o imovinskom stanju shodno članu 19. Zakona, po službenoj dužnosti, rješenje o utvrđivanju povreda Zakona, opomena ( osam slučajeva );
11. Član Vijeća nacionalnih manjina, kao nosilac javne funkcije, netačnost i nepotpunost podataka u Izvještaju o imovinskom stanju shodno članu 19. Zakona, po anonimnoj prijavi, postupak u toku;
12. Član Pravosudne komisije Brčko distrikta BiH iz reda građana, kao nosilac javne funkcije, netačnost i nepotpunost podataka u Izvještaju o imovinskom stanju shodno članu 19. Zakona, po službenoj dužnosti, postupak u toku;
13. Član Upravnog odbora „Radio Brčko“, Brčko distrikt BiH, kao nosilac javne funkcije, nepodnošenje Izvještaja o imovinskom stanju shodno članu 19. Zakona, po službenoj dužnosti, rješenje o utvrđivanju povreda Zakona, opomena ( dva slučaja );
14. Član Upravnog odbora Zavoda za planiranje, projektovanje i razvoj Brčko distrikta BiH, kao nosioca javne funkcije, netačnost i nepotpunost podataka u Izvještaju o imovinskom stanju shodno članu 19. Zakona, po službenoj dužnosti, postupak u toku;
15. Član Upravnog odbora Razvojno-garantnog fonda Brčko distrikta BiH, kao nosioca javne funkcije, netačnost i nepotpunost podataka u Izvještaju o imovinskom stanju shodno članu 19. Zakona, po službenoj dužnosti, postupak u toku;
16. Član Upravnog odbora JP "Putevi Brčko" Brčko distrikt BiH, kao nosioca javne funkcije, netačnost i nepotpunost podataka u Izvještaju o imovinskom stanju shodno članu 19. Zakona, po službenoj dužnosti, postupak u toku;
17. Član Upravnog odbora JP "Luka Brčko" Brčko distrikt BiH, kao nosioca javne funkcije, netačnost i nepotpunost podataka u Izvještaju o imovinskom stanju shodno članu 19. Zakona, po službenoj dužnosti, postupak u toku;
18. Član Upravnog odbora Zavoda za zapošljavanje Brčko distrikt BiH, kao nosilac javne funkcije, nepodnošenje Izvještaja o imovinskom stanju shodno članu 19. Zakona, po službenoj dužnosti, rješenje o utvrđivanju povreda Zakona, opomena;
19. Član Upravnog odbora Fonda zdravstvenog osiguranja, kao nosilac javne funkcije, shodno povredi člana 11. Zakona, učestvovanje u procesu odlučivanja, po službenoj dužnosti, postupak u toku;
20. Službeno lice Kancelarije za prevenciju korupcije, nema status nosioca javne funkcije, zaključak o odbacivanju prijave, radi nenadležnosti, anonimna prijava;
21. Glavni tužilac u Tužilaštvu Brčko distrikta BiH, nema status nosioca javne funkcije, zaključak o odbacivanju prijave, radi nenadležnosti, radi nenadležnosti, anonimna i neanonimna prijava (dva slučaja);

22. Direktor JU Tehničke škole Brčko distrikta BiH, nema status nosioca javne funkcije, zaključak o odbacivanju prijave, radi nenadležnosti, neanonimna prijava;
23. Zaposleno lice u JZU "Zdravstveni centar Brčko" Brčko distrikt BiH, a koji nema status nosioca javne funkcije, zaključak o odbacivanju prijave, radi nenadležnosti, neanonimna prijava;
24. Član Upravnog odbora Zavoda za zapošljavanje Brčko distrikta BiH, zloupotreba službenog položaja i ovlaštenja izvršne i sudske vlasti, odluka o nepokretanju postupka, po anonimnoj prijavi,

te je u skladu sa Zakonom o sprečavanju sukoba interesa u institucijama Brčko distrikta BiH pokrenut i okončan postupak sukoba interesa, odnosno povrede odredaba Zakona u 15 postupaka. Izrečene su i sankcije za povredu Zakona i to novčane kazne u 4 postupka i opomena u 11 postupaka.

U 3 slučaja donesena je odluka o nepokretanju postupka, u 5 slučajeva donesena je odluka o odbacivanju prijave, radi nenadležnosti i 1 postupak je okončan odlukom o obustavi postupka.

U 2 slučaja je uplaćena novčana kazna, postupljeno je shodno Rješenju Komisije za odlučivanje o sukobu interesa i Osnovnog suda Brčko distrikta BiH dok se u 2 slučaja vodi izvršni postupak pred Osnovnim sudom Brčko distrikta BiH, radi naplate izrečene novčane kazne.

Pored navedenog, u toku je 12 postupaka, u kojem je u radu izrada odluke nakon Zaključka o pokrenutom postupku, po službenoj dužnosti i anonimnoj/neanonimnoj prijavi, radi osnovane sumnje na povredu odredaba Zakona i sukoba interesa.

Komisija za odlučivanje o sukobu interesa shodno članu 23. Zakona o sprečavanju sukoba interesa u institucijama Brčko distrikta BiH i godišnjem planu redovnih provjera iz Izvještaja o imovinskom stanju nosilaca javne funkcije otvorila je 182 postupka za provjere unesenog sadržaja u ANEKS II za sve podnosiocima Izvještaja o imovinskom stanju. Plan sadrži provjeru tačnosti i potpunosti podataka iz Izvještaja, dostavljenih od strane nosilaca javne funkcije i prikupljenih podataka od organa i institucija koji imaju evidencije o podacima.

## **POKRENUTI UPRAVNI SPOROVİ PROTIV ODLUKA KOMISIJE ZA ODLUČIVANJE O SUKOBU INTERESA**

U izvještajnom periodu protiv odluka Komisije za odlučivanje o sukobu interesa Brčko distrikta Bosne i Hercegovine pokrenuto je 5 upravnih sporova pred Osnovnim sudom Brčko distrikta BiH, i to:

1. U predmetu broj: 96 0 U 146339 22 U, pokrenut je upravni spor po tužbi tužiteljice S. Š. iz Brčkog, zastupane po punomoćniku I. Š., advokatu iz Brčkog, protiv tužene Komisije/Povjerenstva za odlučivanje o sukobu interesa, radi poništenja upravnog akta tužene broj: UP- KSI-09-01/22 od 04.02.2022. godine (Zaključak o pokretanju postupka). Postupak nije okončan u izvještajnom periodu.
2. Pred Osnovnim sudom Brčko distrikta BiH, u predmetu broj: 96 0 U 148001 22 U, pokrenut je upravni spor po tužbi tužiteljice S. Š. iz Brčkog, zastupane po punomoćniku Š. I., advokatu iz Brčkog, protiv tužene Komisije/Povjerenstva za

odlučivanje o sukobu interesa, radi poništenja rješenja tužene, broj: UP- KSI-09-01/22 od 12.05.2022. godine. Postupak nije okončan u izvještajnom periodu.

3. Pred Osnovnim sudom Brčko distrikta BiH, u predmetu broj: 96 0 U 148988 22 U, pokrenut je upravni spor po tužbi tužiteljice A. I. iz Brčkog, zastupane po punomoćniku Zajednička advokatska kancelarija „M. D. i F. M.“, iz Brčkog, protiv tužene Komisije za odlučivanje o sukobu interesa, radi poništenja upravnog akta tužene broj: UP- KSI-09-02/22 od 09.06.2022. godine. Postupak nije okončan u izvještajnom periodu.
4. Pred Osnovnim sudom Brčko distrikta BiH, u predmetu broj: 96 0 U 149452 22 U, pokrenut je upravni spor po tužbi tužiteljice S. M. iz Brčko distrikta BiH, protiv tužene Komisije/Povjerenstva za odlučivanje o sukobu interesa, radi poništenja Zaključka Komisije za odlučivanje o sukobu interesa, broj: KSI-12-110/22 od 09.06.2022. godine, radi nenadležnosti. Postupak nije okončan u izvještajnom periodu.
5. Pred Osnovnim sudom Brčko distrikta BiH, u predmetu broj: 96 0 U 149371 22 U, pokrenut je upravni spor po tužbi tužioca E. M. iz Brčkog, zastupan po punomoćniku Š. I., advokatu iz Brčkog, protiv tužene Komisije/Povjerenstva za odlučivanje o sukobu interesa, radi poništenja rješenja tužene, broj: UP- KSI-09-03/22 od 19.07.2022. godine. Postupak nije okončan u izvještajnom periodu.

Takođe, pred Osnovnim sudom se vode dva izvršna postupka, radi naplate novčane kazne izrečene za dva nosioca javne funkcije.

#### **ODLUKE APELACIONE KOMISIJE, ODLUKE APELACIONOG SUDA I ODLUKA AGENCIJE ZA ZAŠTITU PODATAKA BIH OD UTJECAJA NA RAD KOMISIJE ZA ODLUČIVANJE O SUKOBU INTERESA**

Odluke koje utiču na rad Komisije za odlučivanje o sukobu interesa su:

1. Presuda Apelacionog suda Brčko distrikta BiH, broj: 97 0 U 002453 21 Ous od 28.02.2022. godine utvrđuje se da odredbe člana 17. stav (3) i (4) i člana 53. tačka e) Poslovnika o radu Skupštine Brčko distrikta BiH nisu u skladu sa odredbama člana 8. stav (3) i (4) i člana 19. i 34. stav (1) Statuta Brčko distrikta BiH i da prestaje da važe danom objavljivanja ove presude u „Službenom glasniku Brčko distrikta BiH“ i ne prihvata se inicijativa I.P., M.S., A.I, i D.B. za pokretanje postupka ocjene usklađenosti odredaba člana 17. stav (2) Poslovnika o radu Skupštine Brčko distrikta BiH sa odredbama člana 8. stav (3) i (4) i člana 19. i 34. stav (1) Statuta Brčko distrikta BiH.
  - Podnosilac inicijative I.P., M.S., A.I, i D.B. podnijeli su inicijativu Apelacionom sudu Brčko distrikta BiH, vezano za isticanje sukoba interesa pri sjednicama Skupštine Brčko distrikta BiH i mjerodavnost za odlučivanje u ovom slučaju. Presudom Apelacionog suda Brčko distrikta BiH, Komisija za odlučivanje o sukobu interesa definisana je kao jedino mjerodavno tijelo za odlučivanje o sukobu interesa pri utvrđivanju, da li se diskusije poslanika u pojedinim slučajevima nalaze u sukobu interesa. Ovom presudom je takođe utvrđeno da svaki poslanik, može isticati postojanje sukoba interesa pri raspravama poslanika u Skupštini Brčko distrikta BiH, tako da je apelacija vezana za član 17. stav (2) Poslovnika o radu Skupštine Brčko

distrikta BiH odbijena, ali isključivo povjerenje za odlučivanje o sukobu interesa je u nadležnosti Komisije za odlučivanje o sukobu interesa.

2. Rješenjem Apelacionog suda Brčko distrikta BiH, broj: 97 0 U 002479 22 Ouz od 21.03.2022. godine odbacuje se zbog nenadležnosti inicijativa S. Š. od 14.02.2022. godine, kojom se traži da se utvrdi da Zaključak Komisije za izbor i imenovanje i mandatno-imunitetske komisije Skupštine Brčko distrikta BiH, broj: 01.7-05-309/22 od 01.02.2022. godine nije u skladu sa odredbom člana 26. stav (6) tačka f) Zakona o sprečavanju sukoba interesa u institucijama Brčko distrikta BiH kao i da se utvrdi da Zaključak Komisije za odlučivanje o sukobu interesa, broj: UP-KSI- 09-01/22 od 04.02.2022. godine, nije u skladu sa odredbama člana 5. istog Zakona i odbacuje se zahtjev inicijatorke za obustavu izvršenja pomenutih zaključaka.

- S. Š. je podnijela zahtjev za rješavanje sukoba nadležnosti kojim traži od Apelacionog suda Brčko distrikta Bosne i Hercegovine da riješi sukob nadležnosti između Komisije za odlučivanje o sukobu interesa i Komisije za izbor i imenovanje i mandatno-imunitetske komisije Brčko distrikta Bosne i Hercegovine i da Apelacioni sud poništi zaključak Komisije za izbor i imenovanje i mandatno-imunitetske komisije Brčko distrikta Bosne i Hercegovine broj 01 7-05-309/22 od 01. februara 2022. godine i konačnom predlaže prekid postupka pred Komisijom za odlučivanje o sukobu interesa do okončanja postupka rješavanja sukoba nadležnosti.

- Apelacioni sud Brčko distrikta Bosne i Hercegovine je odbacio zahtjev za rješavanje sukoba nadležnosti zbog nepostojanja procesnih pretpostavki za rješavanje istog na temelju činjenice da nije utvrđeno postojanje sukoba nadležnosti bilo pozitivnog, bilo negativnog. Apelacioni sud Brčko distrikta Bosne i Hercegovine je odbacio zbog nenadležnosti zahtjev za poništenje Zaključka Komisije za izbor i imenovanje i mandatno-imunitetske komisije Skupštine Brčko distrikta BiH. Istom odlukom od 21. marta 2022. godine Apelacioni sud Brčko distrikta BiH je odbacio i zahtjev za prekid postupka pred Komisijom za odlučivanje o sukobu interesa budući da je pretpostavka za prekid vođenja postupka rješavanja sukoba nadležnosti.

3. Rješenjem Apelacionog suda Brčko distrikta BiH, broj: 97 0 U 002478 22 Sn od 21.03.2022. godine odbacuje se zahtjev za rješavanje sukoba nadležnosti između Komisije za odlučivanje o sukobu interesa i Komisije za izbor i imenovanje mandatno-imunitetske komisije Skupštine Brčko distrikta BiH, odbacuje se zbog nenadležnosti zahtjev za poništenje Zaključka Komisije za izbor i imenovanje i mandatno-imunitetske komisije Skupštine Brčko distrikta BiH, broj: 01.7-05-309/22 od 01.02.2022. godine i odbacuje se zahtjev za prekid postupka pred Komisijom za odlučivanje o sukobu interesa.

- S. Š. je Apelacionom sudu Brčko distrikta Bosne i Hercegovine podnijela inicijativu za pokretanje postupka utvrđivanja usklađenosti pravnog akta, kojim traži da sud utvrdi da Zaključak Komisije za izbor i imenovanje i mandatno-imunitetske komisije Skupštine Brčko distrikta BiH broj 01.7-05-309/22 od 01.februara 2022. godine nije u skladu sa odredbama člana 26. stav (6) Zakona o sprečavanju sukoba interesa u institucijama Brčko distrikta Bosne i Hercegovine kao i da utvrdi da Zaključak Komisije za odlučivanje o sukobu interesa broj UP-I- KSI-09-01/22 od 04.02.2022. godine nije u skladu sa odredbama člana 5. i člana 36. istog zakona kao i zahtjev da se obustavi izvršenje pomenutih zaključaka.

- Apelacioni sud Brčko distrikta Bosne i Hercegovine je odlukom broj 97 0 U 002479 22 Ouz od 21. marta 2022. godine odbacio navedene zahtjeve zbog nenadležnosti odnosno temeljem utvrđenja da je pravna zaštita u konkretnoj pravnoj stvari osigurana relevantnim propisima odnosno da se pravilnost odnosno zakonitost navedenih zaključaka može preispitivati u upravnom sporu protiv odluke o postojanju sukoba interesa.

4. Rješenjem Apelacionog suda Brčko distrikta BiH, broj: 97 0 U 002482 22 Ous od 13.04.2022.godine odbacuje se zbog nenadležnosti inicijativa S. Š. u dijelu kojim se predlaže pokretanje postupka ocjene usklađenosti odredbe člana 26. stav (5) Zakona o reviziji javne uprave i institucija u Brčko distriktu BiH sa odredbom člana 1. stav (4) Statuta Brčko distrikta BiH i sa odredbom člana 1. i člana 9. stav (1) Zakona o upravnim sporovima Brčko distrikta BiH i ne prihvata se inicijativa u dijelu kojim se predlaže pokretanje postupka ocjene usklađenosti odredbe člana 26. stav (5) Zakona o reviziji javne uprave i institucija u Brčko distriktu BiH, sa odredbom člana 44. Statuta Brčko distrikta BiH.

- Inicijativa je pokrenuta iz razloga što se pred Osnovnim sudom Brčko distrikta Bosne i Hercegovine vodi postupak po upravnoj tužbi S. N., bivšeg glavnog revizora Kancelarije za reviziju javne uprave i institucija Brčko distrikta BiH protiv Odluke o imenovanju glavnog revizora u Kancelariji za reviziju javne uprave i institucija u Brčko distriktu Bosne i Hercegovine, Skupštine Brčko distrikta BiH, broj: 01-02-7265/21 od 22. decembra 2021. godine, odnosno odluke kojom je S.Š. imenovana na poziciju glavnog revizora. Komisija je bila mišljenja da navedena odluka nije relevantna za ispitivanje odnosno odlučivanje o postojanju povreda Zakona u postupku koji se vodio pred Komisijom za odlučivanje o sukobu interesa, niti je imala posebnog uticaja na rad i nadležnost Komisije.

5. Rješenjem Agencije za zaštitu ličnih podataka u Bosni i Hercegovini, Sarajevo, broj: UP 1 03-1-37-10-1-37/10/22 DGL od 03.10.2022. godine, prigovor I. Š. i S. Š., protiv Komisije za odlučivanje o sukobu interesa Brčko distrikta BiH, zbog obrade njihovih ličnih podataka prilikom provođenja postupka utvrđivanja sukoba interesa za S. Š., te zbog objavljivanja Zaključka broj: UP-I-KSI-09-01/22 od 04.02.2022. godine na Portalu times.ba, odbija se kao neosnovan, jer Komisija za odlučivanje o sukobu interesa nije učinila niti jednu radnju protivno odredbama Zakona o zaštiti ličnih podataka i Zakona o sprečavanju sukoba interesa u institucijama Brčko distrikta BiH, te nije učinila zaključak dostupnim navedenom portalu.

6. Rješenjem Apelacione Komisije, broj: UP-II-05-000005/22 od 04.08.2022. godine, odbacuje se žalba S. M. iz Brčkog, izjavljena protiv Zaključka Komisije za odlučivanje o sukobu interesa Brčko distrikta BiH, broj: KSI- 12-110/22 od 09.06.2022. godine, kao nedopuštena.

7. Zaključkom Komisije za izbor i imenovanje i mandatno-imunitetska komisija za izbor i imenovanje, broj: 01.7-05-309/22 od 01.02.2022. godine, odbijen je zahtjev S. Š. iz Brčkog za izuzeće predsjednika i članova Komisije za odlučivanje o sukobu interesa, kao neosnovan.



## **JEDINSTVENI REGISTAR JAVNIH DUŽNOSTI, NOSITELJA JAVNE DUŽNOSTI, IMOVINE NOSITELJA JAVNE DUŽNOSTI I DAROVA**

Shodno članu 22. Zakona o sprečavanju sukoba interesa u institucijama Brčko distrikta BiH, Komisija je uspostavila Jedinostveni registar javnih dužnosti, nositelja javne dužnosti, imovine nositelja javne dužnosti i darova. Prema tome, Jedinostveni registar sastoji se iz tri registra i to: Registar javnih dužnosti i nositelja javne dužnosti, Registar imovine nositelja javne dužnosti i Registar darova. Prvo je uspostavljen Registar javnih funkcija i nosilaca javnih funkcija u 2021. godini. Na dan objave u Registru je bilo evidentirano 157 nosilaca javne funkcije, a sa 31.12.2022. godine u Brčko distriktu BiH evidentirano je 165 nosilaca javne funkcije. Povećanje broja nosilaca javnih funkcija uslijedilo je tokom 2022. godine, jer je formirano Vijeće nacionalnih manjina, koje u svom sastavu broji ukupno 8 novih pozicija, u odnosu na podatke o javnim funkcijama i nosiocima javnih funkcija u 2021. godini. S 31.12.2022. godine, upražnjene su 4 pozicije javne funkcije, jer nisu imenovani novi nosioci javne funkcije. Takođe 24 nosioca javne funkcije s 31.12.2022. godine prestala su obavljati javnu funkciju, odnosno evidentirani su kao pasivni nosioci javne funkcije.

Registar javnih funkcija i nosilaca javnih funkcija često je podložan promjenama, jer se mijenjaju nosioci javnih funkcija na postojećim javnim funkcijama, neki prestaju sa obavljanjem dužnosti, a drugi bivaju ponovo imenovani, a pojavljuju se i nove javne funkcije.

Komisija za odlučivanje o sukobu interesa je također u cilju povećanja broja javnih funkcija i nosilaca javnih funkcija inicirala izmjene propisa koji se izravno ili neizravno tiču sukoba interesa sukladno članu 25. Zakona o sprečavanju sukoba interesa u institucijama Brčko distrikta BiH. Shodno navedenom, zbog aktivnosti na izradi novog Zakona o državnoj službi, Komisija za odlučivanje o sukobu interesa je inicirala da se u novom Zakonu o državnoj službi propiše da direktor Direkcije za financije, direktori Trezora i Porezne uprave, kao i koordinator i pomoćnici koordinatora u Kancelariji koordinatora Brčko distrikta BiH pri Vijeću ministara BiH, ne budu kategorizovani kao mandatna radna mjesta rukovodećih državnih službenika, već da isti budu u kategoriji nosilaca javne funkcije. S tim u vezi predložena je i potreba izmjene zakona (Zakon o Direkciji, Trezoru i Poreskoj upravi) kako bi navedene pozicije bile u kategoriji nosilaca javne funkcije, i ovi direktori bili obuhvaćeni odredbama Zakona o sprečavanju sukoba interesa u institucijama Brčko distrikta BiH, a ne izuzeti iz nadležnosti Komisije za odlučivanje o sukobu interesa, obzirom da je drugim zakonom drugačije propisano.

Navedeni primjeri povećanja pozicija, odnosno broja nosilaca javne dužnosti pokazuju da ustroj Registra nije jednokratni čin, već podrazumijeva trajno i proaktivno djelovanje Komisije za odlučivanje o sukobu interesa uz kontinuiranu saradnju svih institucija i organa vlasti u Brčko distriktu BiH kada je u pitanju blagovremeno izvještavanje Komisije o prestanku i početku obavljanja javne funkcije i dostavljanje obavještenja i ANEKSA I o prestanku i početku obavljanja funkcije tih nosilaca javne funkcije u roku od 15 dana od dana nastale promjene. Komisija za odlučivanje o sukobu interesa odmah po dostavljanju navedenih podataka - ANEKS I evidentira promjene, odnosno ažurira Registar javnih funkcija i nosilaca javnih funkcija.



**Tabelarni prikaz javnih funkcija i broj nosilaca javnih funkcija sa 31.12.2022. godine<sup>1</sup>:**

NAZIV JAVNE FUNKCIJE	BROJ NOSILACA JAVNE FUNKCIJE
Predsjednik Skupštine Brčko distrikta BiH	1
Zamjenik predsjednika Skupštine Brčko distrikta BiH	1
Zastupnik u Skupštini Brčko distrikta BiH	29
Gradonačelnik Brčko distrikta BiH	1
Zamjenik gradonačelnika Brčko distrikta BiH	1
Glavni koordinator Vlade Brčko distrikta BiH	1
Savjetnik gradonačelnika Brčko distrikta BiH	6
Šef Odjela Vlade Brčko distrikta BiH	12
<b>Predsjednik</b>	
Komisija za odlučivanje o sukobu interesa	1
Komisija za papire od vrijednosti	1
Izborna Komisija	1
<b>Zamjenik predsjednika</b>	
Komisija za papire od vrijednosti	1
<b>Član</b>	
Komisija za odlučivanje o sukobu interesa	2
Komisija za papire od vrijednosti	1
Izborna Komisije	6
<b>Direktor</b>	
Kancelarija za prevenciju korupcije i koordinaciju aktivnosti na suzbijanju korupcije u Brčko distriktu BiH	1
Zavod za zapošljavanje Brčko distrikta BiH	1
Fond zdravstvenog osiguranja Brčko distrikta BiH	1
Razvojno garantni fond Brčko distrikta BiH	1
Zavod za planiranje, projektovanje i razvoj Brčko distrikta BiH	1
„JP Komunalno Brčko“ d.o.o. Brčko distrikta BiH	1
RNU „Radio Brčko“ Brčko distrikta BiH	1
JP „Putevi Brčko“ d.o.o. Brčko distrikta BiH	1
JZU „Zdravstveni centar Brčko“ Brčko distrikta BiH	1
JP „Luka Brčko“ d.o.o. Brčko distrikta BiH	1
<b>Zamjenik direktora</b>	
Kancelarije za prevenciju korupcije i koordinaciju aktivnosti na suzbijanju korupcije u Brčko distriktu BiH	2
Fond zdravstvenog osiguranja Brčko distrikta BiH	2
Zavod za planiranje, projektovanje i razvoj Brčko distrikta BiH	2
„JP Komunalno Brčko“ d.o.o.	
JP „Putevi Brčko“ d.o.o. Brčko distrikta BiH	2
JZU „Zdravstveni centar Brčko“	2
JP „Luka Brčko“ d.o.o. Brčko distrikta BiH	2
	2

<sup>1</sup> Podaci preuzeti iz *Registra javnih funkcija i nosilaca javne funkcije*.

<b>Glavni revizor</b>	1
<b>Zamjenik glavnog revizora</b>	2
<b>Šef Policije</b> Brčko distrikta BiH	1
<b>Zamjenik šefa Policije</b> Brčko distrikta BiH	1
<b>Predsjednik upravnog odbora</b>	
Fond zdravstvenog osiguranja Brčko distrikta BiH	1
Zavod za zapošljavanje Brčko distrikta BiH	1
Razvojno garantni fond Brčko distrikta BiH	1
Zavod za planiranje, projektovanje i razvoj Brčko distrikta BiH	1
JZU „Zdravstveni centar Brčko“	1
RNU „Radio Brčko“ Brčko distrikta BiH	1
„JP Komunalno Brčko“ d.o.o.	1
JP „Putevi Brčko“ d.o.o. Brčko distrikta BiH	1
JP „Luka Brčko“ d.o.o. Brčko distrikta BiH	1
<b>Član upravnog odbora</b>	
Fond zdravstvenog osiguranja Brčko distrikta BiH	4
Zavod za zapošljavanje Brčko distrikta BiH	4
Razvojno garantni fond Brčko distrikta BiH	4
Zavod za planiranje, projektovanje i razvoj Brčko distrikta BiH	4
„JP Komunalno Brčko“ d.o.o.	4
RNU „Radio Brčko“ Brčko distrikta BiH	4
JP „Putevi Brčko“ d.o.o. Brčko distrikta BiH	4
JZU „Zdravstveni centar Brčko“	4
JP „Luka Brčko“ d.o.o. Brčko distrikta BiH	4
<b>Predsjednik nadzornog odbora</b>	
Zavod za zapošljavanje Brčko distrikta BiH	1
JZU „Zdravstveni centar Brčko“	1
<b>Član nadzornog odbora</b>	
Zavod za zapošljavanje Brčko distrikta BiH	2
JZU „Zdravstveni centar Brčko“	2
<b>Pravobranilac</b>	1
<b>Član Pravosudne Komisije</b>	
Brčko distrikta BiH iz reda građana	3
<b>Predsjednik</b>	1
<b>Član</b>	6
Nezavisni odbor za izbor šefa i zamjenika šefa policije	
<b>Direktor pravnog lica kojem je povjereno vršenje javnog ovlaštenja</b>	1
„Centar za tehničke sisteme“ d.o.o. Brčko distrikta BiH	
<b>Vijeće nacionalnih manjina (član)</b>	8
<b>UKUPNO</b>	<b>165</b>

Iz navedenog tabelarnog prikaza vidljivo je, da u Brčko distriktu BiH postoje rukovodeće, upravne i nadzorne javne funkcije u organima, institucijama, pravnim licima koje osniva Distrikt kao i u pravnim licima kojima je povjereno vršenje javnog ovlaštenja sa ukupno 165 nosilaca javne funkcije.

Nakon zakonom predviđenog krajnjeg roka za predaju ANEKSA II, odnosno 31.03.2022. godine svi nosioci javne funkcije predali su Izvještaj o imovinskom stanju, (izuzev jednog nosioca javne funkcije), te je Komisija 08. aprila 2022. godine uspostavila Registar imovine nosilaca javne funkcije. Objavljeni su svi podaci iz Izvještaja o imovinskom stanju, koji su navedeni u obrascu, izuzev podataka koji se ne objavljuju shodno članu 22. stav (5) Zakona o sprečavanju sukoba interesa u institucijama Brčko distrikta BiH, a vezano za primjenu Zakona o zaštiti ličnih podataka. Registar o imovinskom stanju nosilaca javne funkcije, kao skup podataka iz Izvještaja o imovinskom stanju kako nosioca javne funkcije, tako bračnog i vanbračnog druga, djece, drugih članova porodičnog domaćinstva, kao i lica prema kojim nosilac javne funkcije ima zakonsku obavezu izdržavanja (ANEKS II) podložan je promjenama, ne samo kada su u pitanju osobni podatci samog nosioca javne dužnosti, već i kada je u pitanju imovina i podaci o članovima porodičnog domaćinstva, te samim tim promjeni je podložan i Registar o imovinskom stanju nosilaca javne funkcije nakon svake dopune Izvještaja, a kojih je tokom izvještajnog perioda bilo 49 ukupno. 11 nosilaca javne funkcije koja su bila dužna predati Izvještaj o imovinskom stanju nosioca javne funkcije, bračnog i vanbračnog druga, djece, druge članove porodičnog domaćinstva, kao i lica prema kojim nosilac javne funkcije ima zakonsku obavezu izdržavanja nisu blagovremeno predala izvještaj, zbog čega im je sukladno članku 38 Zakona o sprečavanju sukoba interesa u institucijama Brčko distrikta Bosne i Hercegovine izrečena sankcija u vidu opomene. Radilo se o novoimenovanom tijelu Vijeće nacionalnih manjina, koje broji ukupno 8 članova, koji su postupili protivno članku 19 stavku (1) Zakona o sprječavanju sukoba interesa u institucijama Brčko distrikta Bosne i Hercegovine, na način što u roku od 30 dana od dana stupanja na javnu dužnost Povjerenstvu za odlučivanje o sukobu interesa nisu podnijeli Izvješće o imovinskom stanju nositelja javne dužnosti. Povjerenstvo za odlučivanje o sukobu interesa je pri odlučivanju o izricanju sankcije sukladno članku 43 Zakona vodilo računa o težini povrede i posljedicama povrede Zakona, te uzimajući u obzir da je po prijemu Zaključka o pokretanju postupka svaki nosilac javne dužnosti podnio Izvješće o imovinskom stanju, te shodno njihovom postupanju, odgovornosti i opredijeljenosti da otklone razloge koji su ih doveli do kršenja odredaba Zakona kao prouzrokovanoj posljedici, jer se očito radilo o lakom obliku kršenja odredaba Zakona, koje nisu nanijele štetu integritetu javne dužnosti koju obavljaju kako članovi Vijeća nacionalnih manjina, tako i zamjenik direktora JP „LUKA“ Brčko, član UO „Radio novinske agencije“ i član UO „Zavoda za zapošljavanje“ izreklo opomenu kao vrstu sankcije. Prema tome, Povjerenstvo je po službenoj dužnosti pokrenulo ukupno 11 Zaključaka tijekom 2022. godine kada je u pitanju nepodnošenje odnosno predaja Izvješća o imovinskom stanju.

Članom 23. Zakona o sprečavanju sukoba interesa u institucijama Brčko distrikta BiH, propisano je da provjera podataka iz Izvještaja može biti prethodna i redovna.

Shodno članu 25. navedenog Zakona Komisija za odlučivanje o sukobu interesa, vrši provjeru tačnosti i potpunosti podataka iz Izvještaja. Prethodna provjera vrši se pri zaprimanju izvještaja provjerom ispravnosti formalnih elemenata propisanih članom 23. stav (2) Zakona za nosioce javne funkcije koji su predali Izvještaj. Godišnjim planom redovnih provjera iz Izvještaja o imovinskom stanju nosilaca javne funkcije koji je donijela Komisija, utvrđeno je da se izvrše provjere unesenog sadržaja u ANEKS II za sve podnosiocje Izvještaja o imovinskom stanju i članove porodičnog domaćinstva. Plan sadrži provjeru tačnosti i potpunosti podataka iz Izvještaja, dostavljenih od strane nosilaca javne funkcije i prikupljanje podataka od organa i institucija koji imaju evidencije o podacima, te upoređivanje podataka iz Izvještaja o imovinskom stanju sa prikupljenim podacima od organa, institucija i pravnih lica kako u zemlji tako i

inostranstvu, koji raspolažu informacijama, odnosno vode evidencije s podacima. Provjere su započete u maju 2022. godine za 182 nosioca javne funkcije.

Obzirom da se radi o prvoj provjeri Izvještaja o imovinskom stanju koju provodi Komisija za odlučivanje o sukobu interesa i da se sam proces provjere i uspoređivanja unesenih i pristiglih podataka po prvi put vrši ispred navedenog organa, bilo je prethodno nužno zakonom predviđene podatke za provjeru uskladiti sa mogućnostima organa i institucija i prilagoditi prema mogućnostima dotičnih institucija i organa. Komisija je upućivala dopise, zahtjeve, dopune zahtjeva i slično za provjeru podataka unesenih u ANEKS II, te se obraćala na razne adrese, prema: Odjelu za javni registar, Trezoru i Poreskoj upravi Direkcije za financije Brčko distrikta BiH, bankama, Osnovnom sudu Brčko distrikta BiH, Komisiji za papire od vrijednosti Brčko distrikta BiH, Centralnom registru hartija od vrijednosti Republike Srpske, Registru vrijednosnih papira Federacije Bosne i Hercegovine kao i svim organima koji dodjeljuju odnosno odobravaju podsticaje, donacije, subvencije i slično. Najveći broj zahtjeva upućen je Direkciji za financije Brčko distrikta BiH zbog provjere transfera pravnih lica, udruženja i fondacija, kao i isplata podsticaja, donacija, poreznih olakšica, poslova saradnje s Distriktom itd.

U pojedinim slučajevima Komisija se obraćala i zamolnicom ministarstvima radi provjere podataka o imovini u inozemstvu pojedinih nosilaca javne funkcije, kao i nadležnim organima u inostranstvu, koji su imali ove podatke.

Također je znatno duže od planiranog roka trajao povratni odgovor pojedinih organa i institucija, te nije bilo moguće tražiti provjeru naredne grupe podataka, dok se ne dobiju prethodni podaci, obzirom da su se neki od tih podataka morali upisivati pri narednim postupcima provjere (npr: bio je neophodan JMB da bi se mogli zahtijevati podaci iz matične knjige vjenčanih, bio je potreban ID broj, da bi se mogli zahtijevati podaci od Direkcije za finansije o isplatama itd). Poteškoće pri prikupljanju podataka odrazile su se na sam rad, odnosno dinamiku provjere unesenih podataka u Izvješće o imovinskom stanju. Jedan od krucijalnih problema pri samom procesu bio je svakako nedostatak elektronskog pristupa bazama podataka svih institucija i organa, koji je u svakom pogledu usporavao dinamiku okončanja provjere. Pored toga važno je napomenuti, da je dodatni problem predstavljala i sama činjenica, da je zbog neprecizno unesenih ili izostavljenih podataka u samom Izvještaju o imovinskom stanju bila otežana dalja provjera. Netočno uneseni podatci, i neprecizno određeno vlasništvo pojedinca, ali i izostanak, odnosno zanemarenost unosa nekretnina bračnog partnera ili članova domaćinstva od strane nosioca javne funkcije, također otežavali su ovaj proces redovite provjere Izvještaja.

Nadalje valja naglasiti, kada je odgovor na traženi dopis u pitanju, da su neki odgovori pojedinih organa i institucija čekani dosta dugo: npr. jedan od bitnih problema pri provjeri podataka iz Izvješća predstavljao je i podatak o mjestu rođenja nosioca javne funkcije, obzirom da Komisija za odlučivanje u sukobu interesa nije posjedovala podatke o mjestu rođenja nosilaca javne funkcije, te je pri upućivanju dopisa za provjeru matičnog broja odnosno dostavu rodnog/vjenčanog lista, provjera trajala duže od planiranog jer je bilo teško određivo u kojoj općini je nosilac javne funkcije rođen na osnovu njegovog matičnog broja. Nadalje podaci iz Direkcije za financije/Poreske/Trezora Brčko distrikta BiH vezano za poreske olakšice, grantove, donacije, isplate itd. za privatna poduzeća nosilaca javne funkcije i članova uže porodice, za udruženja i fondacije pošto nisu u elektronskim oblicima evidencije Direkciji za finansije, zahtijevani odgovori su dostavljeni u Komisiju za odlučivanje o sukobu interesa znatno kasnije od planiranog vremena.

Komisija je tokom decembra 2022. godine protiv nosilaca javne funkcije pokrenula 11 postupaka vezano za nesklad podataka iz Izvještaja o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obvezu uzdržavanja i podataka prikupljenih od organa i institucija.

## **EDUKACIJE/SEMINARI**

U cilju uspostavljanja saradnje sa organima, institucijama i drugim pravnim licima u BiH, Komisija za odlučivanje o sukobu interesa u izvještajnom periodu održala je radni sastanak sa nevladinom organizacijom Transparency International BiH u Banja Luci. Na radnom sastanku razgovaralo se o aktivnostima Komisije za odlučivanje o sukobu interesa, ali i povezivanju Komisije sa agencijama i komisijama koje djeluju kako u BiH, tako i u zemljama okruženja, kada je u pitanju sprečavanje sukoba interesa, kao i način povezivanja s organima i institucijama koje posjeduju evidencije, odnosno podatke bitne za prikupljanje i provjeru podataka iz nadležnosti Komisije za odlučivanje o sukobu interesa, te o profesionalnom usavršavanju uposlenika ovog tijela.

U cilju jačanja ukupnih stručnih kapaciteta Komisije za odlučivanje o sukobu interesa obavljena su stručna usavršavanja, edukacije i posjete organima i institucijama s ciljem unapređenja ljudskog potencijala iz oblasti potrebnih za rad Komisije, te prevashodno obuke vezane za sukob interesa, a potom i druge obuke za unapređenje drugih procesa rada. Tijekom 2022. godine Komisija je obavila studijsku posjetu Agenciji za sprečavanje korupcije Republike Srbije i Agenciji za sprječavanje korupcije Crne Gore s ciljem uspostavljanja saradnje i razmjene iskustva kada je u pitanju rad: na sprečavanju sukoba interesa i provjere Izvještaja o imovini nosilaca javnih funkcija i praksa, postupci i slično.

Važno je napomenuti da je u organizaciji „Transparency international“ u okviru USAID-ove podrške građanima u borbi protiv korupcije na regionalnom sastanku održanom na Jahorini, Komisija za odlučivanje o sukobu interesa prisustvovala sastanku nadležnih organa za provođenje zakona o sukobu interesa zajedno sa Komisijom za odlučivanje o sukobu interesa Hrvatske, Agencijom za borbu protiv korupcije Srbije, Agencijom za sprječavanje korupcije Crne Gore, Odsjekom za provedbu Zakona o sukobu interesa u Bosni i Hercegovini te Komisijom za utvrđivanje sukoba interesa u organima vlasti Republike Srpske. Na sastanku se razgovaralo: o iskustvima, praksi te samoj primjeni zakona o sukobu interesa s posebnim naglaskom na provjeru imovinskih kartica, prikupljanje podataka od tijela u BiH i zemalja iz okruženja, postupcima utvrđivanja sukoba interesa i povrede odredaba zakona i drugo.

Pored navedenog Komisija je uzela učešće i na seminarima iz oblasti upravnog postupka, javne nabavke i oblasti financija i ekonomije.

Tijekom 2022. godine Komisija je sukladno svojim nadležnostima provela edukaciju za nosioce javnih dužnosti u cilju informiranja o njihovim pravima, obvezama i odgovornostima u svezi sa sukobom interesa te pravilnom podnošenju Izvješća o imovinskom stanju putem obuka na kojim su od 184 pozvana nosioca javne dužnosti prisustvovala 104 nosioca javne funkcije.

## BUDŽET KOMISIJE I POSTUPAK JAVNE NABAVKE

Članom 24 stav (5) Zakona o sprečavanju sukoba interesa u institucijama Brčko distrikta BiH propisano je da se sredstva za rad Komisije za odlučivanje o sukobu interesa osiguravaju u Budžetu Brčko distrikta BiH.

Komisija za odlučivanje o sukobu interesa je u Budžetu za 2022. godinu imala ukupno 513.955,20 KM obezbijedenih sredstava. U okviru navedenih sredstava, rebalansom Budžeta obezbijedena su dodatna sredstva za rashode tri viša stručna saradnika i za nabavku službenog vozila Komisije za odlučivanje o sukobu interesa.

Tabelarni prikaz Budžeta za 2022. godinu:

Ekonomski kod	Naziv ekonomskog koda	Iznos sredstava
611100	Bruto plate	295.923,02
611200	Naknade troškova zaposlenika	22.181,00
612100	Doprinosi poslodavca	17.743,18
613100	Putni troškovi	10.000,00
613200	Rashodi za energiju	8.800,00
613300	Rashodi za komunikaciju i komunalne usluge	20.425,00
613400	Nabavka materijala, robe i sitnog inventara	33.183,00
613500	Rashodi za usluge prevoza i goriva	500,00
613700	Rashodi za tekuće održavanje	3.000,00
613800	Rashodi osiguranja, bankarskih usluga i usluga platnog prometa	600,00
613900	Ugovorene i druge posebne usluge	31.600,00
821300	Nabavka opreme	70.000,00
<b>UKUPNO</b>		<b>513.955,20</b>

## PLAN NABAVKE ZA 2022. GODINE

U izvještajnom periodu, shodno planu nabavke, Komisija je započela sljedeće postupke nabavke:

- objedinjena nabavka računara i računarske opreme
- objedinjena nabavka namještaja

Sljedeći postupci nabavke su započeti i okončani:

- nabavka tonera mini tenderisanje
- nabavka kancelarijskog materijala mini tenderisanje

- nabavka računara
- nabavka PTT usluga
- nabavka štampanog materijala
- nabavka osiguranja radnika
- nabavka rolo zavjesa
- nabavka higijenskog materijala
- nabavka štampanog materijala
- nabavka sitnog inventara
- nabavka baze propisa Lex paragraf
- nabavka održavanja web stranice
- nabavka telefonske centrale i telefona
- nabavka telekomunikacijske usluge, intereta

Komisija za odlučivanje o sukobu interesa je bezuspješno provodila: tri puta postupak nabavke čišćenja poslovnog prostora i dva puta nabavku usluge izrade idejnog projekta za video nadzor.

### **SARADNJA**

Komisija za odlučivanje o sukobu interesa je u izvještajnom periodu ostvarila saradnju sa svim organima i institucijama Brčko distrikta BiH, a prije svega sa Skupštinom i Vladom Brčko distrikta BiH, Direkcijom za financije, Kancelarijom za upravljanje javnom imovinom, Osnovnim sudom Brčko distrikta BiH i drugim organima i institucijama Distrikta. Osim navedene saradnje, ista je ostvarena i sa uredom OHR-a i OSCE-a. Svesrdnu pomoć Komisija za odlučivanje o sukobu interesa pružila je kancelarija OHR-a i OSCE-a.

### **JAVNOST RADA KOMISIJE**

Javnost rada Komisije očituje se objavom svih zakonom propisanih akata Komisije, kao i informacija koje se odnose na sam rad Komisije, na način da je javnost a i nosioci javne funkcije putem web stranice, portala, radio-novinskih emisija, televizijskih nastupa obavještavana o važnim informacijama i radu Komisije, jer je rad Komisije maksimalno transparentan.

Nosioci javne funkcije su putem dopisa i web stranice Komisije obavještavani o njihovim pravima, obavezama i odgovornostima propisanim Zakonom o sprečavanju sukoba interesa u institucijama Brčko distrikta BiH.

Intencija Komisije je da i dalje radi na izgrađivanju lične svijesti nosilaca javne funkcije, kako o stavljanju javnog interesa iznad ličnog interesa nosioca javne funkcije, tako i potrebi savjesnog djelovanja u radu, blagovremena predaja Izvještaja o imovinskom stanju nosilaca javne funkcije, primljenim poklonima i slično kada je pitanju ispunjavanje obaveza nosilaca javnih funkcija propisanih ovim Zakonom.

Ukoliko nosilac javne funkcije povrijedi odredbe Zakona, Komisija će biti obavezna pristupiti represivnom djelovanju i izricanju sankcija nosiocima javne funkcije, iako je preventivno djelovanje u sprečavanju sukoba interesa, odnosno povredi odredaba zakona prevashodan cilj Komisije za odlučivanje o sukobu interesa.

Broj: KSI-11-28/23

Datum: 17.02.2023. godine

Predsjednik  
Komisije za odlučivanje o sukobu interesa

\_\_\_\_\_  
Admira Mujić, dipl. pravnik